

JWĀNDÚWÉE SEN' TSI'YEN

Ti **Ley Federal de Telecomunicaciones y Radiodifusión**, ngatoón **Artículo 256**, ndáru ng'é ndíyā jwātet'uan chunda sen' Tsi'y'en; tsuchuxaan:

- Tsay'e sen' jwātun'ue ti chundaa kje kje jwāxraxon, jwatet'uan, jwātja'gíchyú chūjni kū ni'xin thee niso ngiw'éé jngu Nūnthē;
- Tsay'e sen' jina jwātachrje ti tsuchúnda kje kje ndíyā ti tsits'e sen' ti ru'ngaxín kje kje jwāxraxon kū kje kje ti ndáru chūjni, kū yā jwāxraxon tsijngijna' chuwaá tséju chūjni ti noó tsitja jwātet'uen chāsen;
- Ti sen' tunde'e nthā chīgā kū nthā ts'on yā tsūxeka'ya sen' jwāru'nga wand'éé jwānchikji xrachi jwāchúxin nīsō jwātun'ue. Ti ndáru ni jwāru'nga wand'éé jwānchikji xrachi jwāchúxin nīsō jwātun'ue yā tsuxingame'e ni ndá rúru nch'on jnguji ch'ín tunde'e nthā chīgā kū nthā ts'on tsix'en jngu tha nīsō ndá kje síndáru masi ti jwārunga ndáte ndá wenga sen' 'nā táan chuwaá tsits'e ni kū tsi'y'e ni jngu jwārunga jina, kū ti chūjni tits'e nthā ts'on nīsō ti'y'en nthā tójkan nī n'ue'yan sen' ng'é tāre. Ngatoón Código de Ética, ti sen' nch'a ndáru sen' ng'é ti chuwaá kū ng'é ti rūjwa'ya sinch'e sen' yā tsujina xra' kū sinch'e'ya sen' ti jina'yan xrachi ndáru jwātet'uan in;
- Ndá rútsitja ng'é chīgā tsāre jngu jngu programa kū ndá rūrunga sen' chūjni náa tsūxaxingí jnguji nīsō ndá kje tsāre;
- Tsitja jwānduwa wand'éé tsat'e ni, xranchi tet'uan nīsō ndáru jwātet'uéen;
- Rūgunda nij'ú tsikonxin kū tsi'y'exin nthā ts'on kū nthā níchja j'u nch'on sírū'nga, ni'xinnchi nch'on tāre ng'é nchikjixin;
- Nch'on nch'e na xra' wand'éé nthā ts'on kū nthā níchja j'u, yā rūjwa'ya tsachrje na wasayée chūjni wā kje nūnthē wixin nīsō g'úna, wā chríi, wā tārisuwa, wā kj'én nánú chúnda, wā chūjni ne'e, wā tangí tikon, wā tiín nthāninchēe, wā kje tiyenxín, kje xraxon, kje tjingon, wā tju'e jngu xii nīsō jngu chríi, wā chunda nīsō chunda'ya xe'e nīsō chre'e nīsō kje ng'é, keén yān rūjwa'ya wā tsachrxexín wasayée chūjni kū tājón'yan na jwāchaxin tsitja jwānduwée;
- Ti tsuchunde'e na wāsayée chūjni, ti tsutju'e na chjān, ti nij'ú tsuchunde'e na wāsayée sen' xii kū sen' chríi kū ni'xinnchi kū'ya ng'é xru tsāre wāsayée, kū
- Íjngu ng'é gaá ndáru xroón wand'éé jwātet'uan, ti yoó yā tsitja.

Ni'xinnchi, xranchi ndáru **Artículo 258** wand'éé Ley Federal de Telecomunicaciones y Radiodifusión, ti chūjni nne'e lā rūgunda chuwaá tsitja jwānduwee na xra:

- Chuwaá tsi'y'en sen' kū tsits'e sen' nga tha nājni kū thee sen', ni'xinnchi nga tja na tājgū ng'é rúru na yanchi keén chūjni tsuxingame'e na. Ti ī ndíyā xra' yā rūgunda tsaye' chūjni masi jngu'a programa wand'éé jwārunga ti ícha tits'e na nīsō ti'y'en na jnguí nūnthē ni;
- Yanchi tsūxeka wāsayée chūjni wand'éé jwāchaxiéen, xra' ti nch'e na kū jwātun'ue, ni'xinnchi ti rūgunda tsingijna' kū tsusaye'e;
- Tsuchunda ni ng'é gaá rūgunda ti tjingijna' yā chuwaá tsundáru na jnguji jwāchigon, jwārunxaxin kū jnguji jwānióo wand'éé ti sen' ti'y'en kū tits'e, yanchi tsuéen náa kū'ya jnguji ndíyā jwāchigon jyé nīsō rūjwa'ya wand'éé ti ch'ín tet'uan jwārunxaxín, kū ni'xinnchi
- Chuwaá tsaye' sen' jngu xroón ti runxaxín ngaya nthā tsjooxín chūjni nīsō ngaya Internet wand'éé sen' tet'uan nthā runxaxín, rūgunda chuwaá tsaye' chūjni nye'e.